

A I R E A M H.

thu seachad *e*, mar iobairt a bheirear suas le teine dh'fhàile cùbhraidh do'n Tighearna.

9 Agus air là na fàbaid, dà uan do'n cheud bhliadhna gun ghaid, agus dà dheicheadh earrann phlùir measgta le h-ola mar thabhartas-bìdh, agus a tabhartas-dìbhe.

10 *Is e so* iobairt-loisgte gach fàbaid, a thuilleadh air an iobairt-loisgte ghnàthaichte, agus a tabhartas-dìbhe.

11 Agus ann an toiseach bhuir mìos bheir sibh seachad *chum* iobairt-loisgte do'n Tighearna, dà tharbh òg, agus aon reithe, seachd uain do'n cheud bhliadhna gun ghaid,

12 Agus trì deicheadh earranna phlùir measgta le h-ola mar thabhartas-bìdh air son gach tairbh, agus dà dheicheadh earrann phlùir measgta le h-ola mar thabhartas-bìdh air son gach reithe.

13 Agus aon deicheadh earrann phlùir air leth measgta le h-ola mar thabhartas-bìdh air son gach uain, *chum* iobairt-loisgte deagh bholaigh, iobairt a bheirear suas le teine do'n Tighearna.

14 Agus mar an tabhartas-dìbhe bithidh leth hin do fhion air son tairbh, agus an treas earrann do hin air son reithe, agus an ceathramh earrann do hin air son uain: *is i so* iobairt-loisgte gach mìos air feadh mhìosa na bliadhna.

15 Agus iobrar aon mheann do na gabhraibh mar iobairt-pheacaidh do'n Tighearna, a thuilleadh air an iobairt-loisgte ghnàthaichte, agus a tabhartas-dìbhe.

16 Agus air a' cheathramh là deug do'n cheud mhìos *tha* càisg^b an Tighearna.

17 Agus air a' chùigeadh là deug do'n mhìos *so tha* 'n fhéisd: seachd laithean ithear aran neo-ghoirtichte.

18 Air a' cheud là *bithidh* co'-ghairm naomha; obair thràilleil^c sam bith cha dean sibh air.

19 Ach bheir sibh seachad a *chum* iobairt a bheirear suas le teine, mar iobairt-loisgte do'n Tighearna, dà tharbh òg, agus aon reithe, agus seachd uain do'n cheud bhliadhna: gun ghaid bithidh iad duibh.

20 Agus bithidh an tabhartas-bìdh do phlùir measgta le h-ola: trì deicheadh earranna bheir sibh seachad air son tairbh, agus dà dheicheadh earrann air son reithe.

21 Deicheadh earrann air leth bheir thu seachad air son gach uain, air feadh nan seachd uain:

22 Agus aon bhoc-gaibhre *chum* iobairt-pheacaidh, a dheanamh réite air bhuir son.

23 Iobraidh sibh iad sin a thuilleadh air an iobairt-loisgte 'fa' mhadainn, a *tha* mar iobairt-loisgte ghnàthaichte.

24 Mar so bheir sibh seachad^d gach là air feadh nan seachd laithean, biadh na h-iobairt a bheirear suas le teine, *chum* fàile cùbhraidh do'n Tighearna: bheirear seachad *e* thuilleadh air an iobairt-loisgte ghnàthaichte, agus a tabhartas dìbhe.

25 Agus air an t-seachdamh là bithidh co'-ghairm naomha agaibh: obair thràilleil sam bith cha dean sibh air.

26 Mar an ceudna air là nan ceud